

Broj:

Zlatan Begić, zastupnik
u Predstavničkom domu Parlamentarne skupštine BiH
(Klub zastupnika Demokratske fronte)

PARLAMENTARNA SKUPŠTINA BOSNE I HERCEGOVINE
ПРЕДСТАВНИЧКИ ДОМ
n/r predsjedavajućeg, g-dina Nebojša Radmanovića

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O

PRIMLJENO: 07-09-2020			
Organizaciona jedinica	Klasifikaciona oznaka	Redni broj	Broj priloga
		01-50-1-1773/20	

Na osnovu člana 8. Poslovnika Predstavničkog doma Parlamentarne skupštine BiH, podnosim sljedeću

POSLANIČKU INICIJATIVU

Kojom Predstavnički dom Parlamentarne skupštine Bosne i Hercegovine zadužuje Ministarstvo vanjskih poslova Bosne i Hercegovine da, u skladu sa svojim nadležnostima i propisanim procedurama, te u saradnji sa drugim nadležnim institucijama od Evropskog suda za ljudska prava u Strazburu pribavi zvanične podatke koji se odnose na tačan broj odbačenih i odbijenih apelacija građana Bosne i Hercegovine podnesenih ovom Sudu u postupcima pokrenutim povodom potraživanja naknade štete proizašle iz počinjenih ratnih zločina, zločina protiv čovječnosti i zločina genocida (uz popis predmeta), te da pribavi zvanične podatke da li su (i koji su?) predstavnici Bosne i Hercegovine (generalno i u ovom Sudu) učestvovali u postupcima po ovim predmetima na bilo koji način i u bilo kojoj fazi, te kakav je bio njihov stav ili eventualni uticaj na sadržaj odluka u svakom pojedinačnom predmetu.

O b r a z l o ž e n j e

Zbog nekonsekventne i kontradiktorne prakse redovnih sudova u BiH, ali i Ustavnog suda BiH, mnogobrojni građani BiH bili su prinuđeni svoje pravo na naknadu štete proizašle iz počinjenih ratnih zločina, zločina protiv čovječnosti i genocida potražiti pred Evropskim sudom za ljudska prava. Međutim, u ovim predmetima, prema dostupnim informacijama, došlo je do odbacivanja ovih apelacija, čime su žrtve najtežih zločina po međunarodnom i unutrašnjem pravu dovedene u nepodnošljiv položaj dodatne viktimizacije – koju ovoga puta provode, na prvom mjestu, institucije domaćeg pravosuda i ustavnog sudstva, a potom i Evropski sud za ljudska prava(!). Pri tome, pozicija domaćeg pravosuda i ustavnog sudstva je neprihvatljiva, ali je i potpuno jasna – u smislu evidentnog i nedopustivog političkog instrumentaliziranja i uticaja, ali je potpuno nejasna pozicija i uloga Evropskog suda za ljudska prava u ovakvoj nečuvenoj deprivaciji žrtava najtežih krivičnih djela, a budući da je riječ o pravima garantovanim Evropskom konvencijom za zaštitu ljudskih prava i temeljnih sloboda. Sa ciljem uvida u stanje predmeta u ovim vrlo osjetljivim slučajevima, imajući posebno u vidu da je riječ o naročito ranjivoj skupini žrtava ratnih zločina, zločina protiv čovječnosti i genocida, sa namjerom pribavljanja zvaničnih i tačnih podataka – u interesu javnosti i (posebno!) u interesu naprijed navedenih oštećenih lica, podnosi se ova Inicijativa.

Sarajevo, septembar 2020. godine

S poštovanjem,

PODNOŠILAC
Zlatan Begić
/ZLATAN BEGIĆ, ZASTUPNIK/